

Na osnovu Odluke generalnog direktora o pokretanju dodatne edukacije iz porodične medicine u školskoj 2018/2019. godini broj: 01-05-6418/18 od 10.07.2018. godine uz Saglasnost Ministarstva zdravstva Kantona Sarajevo broj:10-37-20370/18 od 08.05.2018.godine, a u skladu sa Rješenjem Federalnog ministarstva zdravstva broj: 01-37-4311-3/10 od 09.02.2011.godine i Pravilnikom o dodatnoj edukaciji iz porodične medicine („Sl. novine F BiH“ broj: 59/11) raspisuje se:

JAVNI POZIV

Zdravstvenim ustanovama u FBiH, odnosno nosiocima odobrenja za obavljanje privatne prakse, za dodatnu edukaciju iz porodične medicine njihovih doktora medicine – specijalista, medicinskih sestara-tehničara u školskoj 2018/2019 godini

1. PREDMET JAVNOG POZIVA

je odabir kandidata za dodatnu edukaciju iz porodične medicine.

Edukacija predstavlja organizovani oblik teoretskog i stručnog – praktičnog osposobljavanja doktora medicine – specijalista i medicinskih sestara – tehničara za pružanje zdravstvenih usluga iz oblasti porodične medicine.

2. PRAVO UČEŠĆA

Pravo učešća imaju doktori medicine – specijalisti i medicinske sestre – tehničari.

Zahtjev za dodatnu edukaciju iz porodične medicine može podnijeti zdravstvena ustanova odnosno nosilac odobrenja za obavljanje privatne prakse za uposlenika – doktora medicine – specijalistu i medicinsku sestru – tehničara svih nivoa obrazovanja.

3. USLOVI ZA PRISTUPANJE EDUKACIJI

Uz zahtjev za doktora medicine potrebno je dostaviti dokaze o ispunjavanju slijedećih uslova:

- o završenom medicinskom fakultetu,
- o položenom stručnom ispitu,
- o posjedovanju licence za rad izdate od nadležne komore,
- o poznavanju jednog stranog jezika.

Ukoliko se zahtjev podnosi za doktora medicine – specijalistu potrebno je pored navedenog dostaviti i dokaz o položenom specijalističkom ispitu.

Uz zahtjev za medicinsku sestru – tehničara potrebno je dostaviti dokaze o ispunjavanju slijedećih uslova:

- o završenom fakultetu, odnosno medicinskoj školi, smjer opšti,
- o položenom stručnom ispitu,
- o posjedovanju licence za rad izdate od nadležne komore.

Dokumenti dostavljeni uz zahtjev mogu biti originalni ili ovjerena fotokopija (ne starija od 6 mjeseci).

4. MJESTO, VRIJEME I NAČIN OBAVLJANJA EDUKACIJE

Dodatna edukacija iz porodične medicine provodiće se u Javnoj ustanovi Dom zdravlja Kantona Sarajevo, u periodu septembar 2018-te godine – juni 2019-te godine (1 školska godina).

Edukacija podrazumijeva 120 sati teoretske nastave, 120 sati praktične nastave, i 15 sati rada sa mentorima u ordinacijama, a provodiće se u skladu sa Planom i

programom koji je prilog Pravilniku o dodatnoj edukaciji iz porodične medicine („Sl. novine F BiH“ broj: 59/11).

Troškovi edukacije iznose 1500,00 KM (slovima; hiljadupetstotina konvertibilnih maraka) po polazniku.

Prijave sa potrebnim dokumentima potrebno je dostaviti na protokol Javne ustanove Dom zdravlja Kantona Sarajevo, ul. Vrazova br.11, ili putem pošte preporučeno, sa naznakom „Javni Poziv za dodatnu edukaciju iz porodične medicine za školsku 2018/2019 godinu.“

Zainteresovane zdravstvene ustanove, odnosno nosioci odobrenja za obavljanje privatne prakse za svoje uposlenike mogu dostaviti prijave po ovom Javnom Pozivu u roku od 15 dana od dana objave u Dnevnim novinama Dnevni Avaz i na Web stranici ustanove.

Neblagovremene i nepotpune prijave neće se uzeti u razmatranje.